



Broj: 09/1-2461-UO/23
Datum, 20.09.2023. godine

Na osnovu člana 16. Statuta Javne ustanove "Služba za zapošljavanje Kantona Sarajevo" Sarajevo, (broj: 05/1-3306/08, od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine), Upravni odbor Javne ustanove "Služba za zapošljavanje Kantona Sarajevo" Sarajevo je na 15. redovnoj sjednici, održanoj 20.09.2023. godine, *d o n i o*

ODLUKU

o donošenju Pravilnika o izmjenama i dopunama Pravilnika o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo

I

Donosi se Pravilnik o izmjenama i dopunama Pravilnika o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo.

II

Ova Odluka stupa na snagu danom donošenja.



**ZAMJENICA PREDSJEDNIKA
UPRAVNOG ODBORA**


Maja Bjelan - Karičić

Na osnovu člana 13. stav (3) i (4) Zakona o javnim nabavkama („Službeni glasnik BiH“, broj 39/14 i 59/22), člana 27. stav (1) alineja 6 Uredbe sa zakonskom snagom o ustanovama („Službeni list R BiH“ broj: 6/92, 8/93 i 13/94) i člana 16. Statuta Javne ustanove „Služba za zapošljavanje Kantona Sarajevo“ Sarajevo (broj: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), Upravni odbor Javne ustanove „Služba za zapošljavanje Kantona Sarajevo“ Sarajevo na 15. redovnoj sjednici održanoj dana 20.09.2023. godine *d o n o s i*

PRAVILNIK

o izmjenama i dopunama Pravilnika o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo

Član 1.

U Pravilniku o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine, u članu 1. riječi: "i istraživanje tržišta" brišu se, iza riječi: "komisija za nabavke" dodaju se riječi: "službenik za javne nabavke", iza riječi: "izrade tenderske dokumentacije" dodaju se riječi: "prethodna provjera tržišta i postupak direktnog sporazuma."

Član 2.

Član 4. briše se.

Član 3.

U članu 5. stav (2) riječi: "najkasnije 60 dana", zamjenjuju se riječima: "najkasnije 30 dana".

Stav (3) mijenja se i glasi:

"(3) Po donošenju Plana isti se u cjelosti objavljuje na portalu javnih nabavki, i to najkasnije 30 dana od dana stupanja na snagu odluke Skupštine Kantona Sarajevo kojom je data saglasnost na finansijski plan Službe, u formi i na način kako je definisano u sistemu „e-Nabavke“, kao i na web stranici Službe."

U stavu (5) iza riječi: "objavljuju se na" dodaju se riječi: "portal javnih nabavki i", iza riječi: "na web stranici Službe stavlja se interpunkcijski znak "tačka" a riječi: "na način i u roku definisanom u stavu 3) ovog člana" brišu se.

Član 4.

Iza člana 8. dodaje se novi član 8a. koji glasi:

"Član 8a.

(Službenik za javne nabavke)

(1) Služba shodno Pravilniku o radu JU „Služba za zapošljavanje Kantona Sarajevo“ Sarajevo (broj: 05/1-1703-UO/16 od 07.11.2016. godine, 09/1-0364-UO/18 od 22.02.2018. godine, 09/1-0550-UO/18 od 16.03.2018. godine, 09/1-1770-UO/18 od 14.08.2018. godine, 09/1-2225-UO/19 od 18.07.2019. godine i 09/1-0104-UO/22 od 18.01.2022. godine), kao organizacionu jedinicu u okviru unutrašnje organizacije i sistematizacije radnih mjesta, utvrđuje Jedinicu za nabavke.

(2) Imajući u vidu svoje organizacione i tehničke specifičnosti i kapacitete Jedinica za nabavke sastavljena od: šefa Jedinice za nabavke, stručnog saradnika za nabavke i višeg referenta za nabavke, okvirom internog akta (sistematizacijom) obavljaju utvrđene poslove, jasno definisane i precizirane zadatke, kao i odgovornosti unutar Jedinice za nabavke.

Član 5.

Iza člana 9. dodaje se novi član 9a. koji glasi:

"Član 9a.

(Prethodna provjera tržišta)

(1) Prije pokretanja postupka javne nabavke vrši se ispitivanje tržišta u svrhu pripreme nabavke i analize tržišta nabavke, a ogleda se u procesu prikupljanja, sistematizacije, analize i interpretacije podataka sciljem informisanja o stanju i kretanjima na tržištu koja mogu utjecati na postupak nabavke.

(2) Provjera tržišta u cilju strateškog pristupa nabavkama vrši se na neki od sljedećih načina:

- a) ispitivanjem prethodnih iskustava ili izvršenih provjera tržišta u nabavci određenog predmeta nabavke,
- b) pisanim putem u vidu zahtjeva za dostavu prijedloga ponude potencijalnim ponuđačima,
- c) primarno prikupljanjem podataka (informisanje, upit telefonskim putem, kroz razgovore sa učesnicima na tržištu, posjeta sajmovima i konferencijama i dr.),
- d) istraživanje putem interneta (cjenovnici ponuđača, brošure, katalozi, Portal javnih nabavki, stranice nadležnih institucija za objavu relevantnih informacija o tržišnim kretanjima i druge baze podataka),
- e) ispitivanje iskustava drugih ugovornih organa,
- f) na druge pogodne načine, imajući u vidu svaki predmet nabavke pojedinačno.

(3) Tržištu se treba pristupiti na način da se osigura usklađenost sa načelima transparentnosti i jednakog tretmana, te izbjegnu diskriminatorni uslovi.

(4) O prethodnoj provjeri tržišta sačinjava se pisana zabilješka o svim radnjama i postupcima i ulaže u predmet spisa.

(5) Podaci dobijeni istraživanjem tržišta ne smiju se koristiti na način da imaju za posljedicu narušavanje tržišne konkurencije, te na druge okolnosti koje utiču na uslove postupka nabavke.

Član 6.

Iza člana 10. dodaje se novi član 10a.

"Član 10a.

(Direktni sporazum)

- (1) Postupak direktnog sporazuma provodi se za nabavku robe, usluga ili radova čija je procijenjena vrijednost jednaka ili manja od iznosa od 6.000,00 KM, pri čemu ni ukupna procijenjena vrijednost istovrsnih nabavki na godišnjem nivou nije veća od 10.000,00 KM.
- (2) Postupak direktnog sporazuma provodi Jedinica za nabavke, na osnovu Zahtjeva za nabavku i Zahtjeva za pokretanje postupka javnih nabavki, na način da pisanim putem ili putem portala javnih nabavki traži prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.
- (3) Nakon što primi prijedlog cijene ili ponudu na jedan od načina iz stava (2) ovog člana, putem narudžbenice koju potpisuje direktor Službe, prihvata se prijedlog cijene, predračun ili ponuda privrednog subjekta.
- (4) U postupku direktnog sporazuma dozvoljeno je pregovaranje o cijeni ili ponudi.
- (5) Direktni sporazum se smatra zaključenim prilaganjem računa ili druge odgovarajuće dokumentacije.
- (6) Izvještaj o provedenom postupku direktnog sporazuma objavljuje se na portalu javnih nabavki, nakon što račun ili drugi odgovarajući dokument bude dostavljen na plaćanje.
- (7) U postupku direktnog sporazuma žalba nije dopuštena.

Član 7.

U članu 19. stav (5) mijenja se i glasi:

"(5) Odluke o izboru najpovoljnijeg ponuđača/odluke o poništenju postupka javne nabavke objavljuju se na web stranici Službe, putem Odjeljenja za informatičke poslove."

Član 8.

Stupanjem na snagu ovog Pravilnika prestaje da važi Pravilnik o postupku direktnog sporazuma za nabavku roba, usluga i radova u JU „Služba za zapošljavanje Kantona Sarajevo“ Sarajevo broj: 05/1-0545-UO/15 od 30.03.2015. godine i Pravilnik o izmjenama pravilnika o postupku direktnog sporazuma za nabavku roba, usluga i radova 09/1-3011-UO/17 od 29.12.2017. godine.

Član 9.

Ovaj Pravilnik stupa na snagu danom donošenja i bit će objavljen u „Službenim novinama Kantona Sarajevo“ i web stranici Službe.



**ZAMJENICA
PREDSJEDNIKA
UPRAVNOG ODBORA**


Maja Bjelan – Karičić

Broj:09/1-2461-UO/23

Sarajevo, 20.09.2023.godine